

QVOD DEUS FORTUNET!  
DISCURSUS JURIDICUS

DE

REQUISITIS AD.  
VOCATO OBSERVAN-  
DIS, CIRCA COMPETENTEM CLI-  
ENTI ACTIONEM INVESTIGANDAM ET  
FELICITER OBTINENDAM

QVAM  
SUB PRÆSIDIO

DN. IOHANNIS EICHELII  
J. U. DOCTORIS ET IN ILLUSTRIS  
JULIA PANDECTARUM PROFESSORIS PUBLICI ET  
ORDINARIJ, DICASTRIIQUE WOLFERBYTA-  
NI ASSESSORIS &c. &c.

DN. PATRONI, PRÆCEPTORIS ATQUE  
PROMOTORIS PLURIMUM OBSERVANDI

Ad diem IV. Mensis Julii

IN IVLEO MAIORI

Publicæ eruditorum disquisitioni subjiciet

JOACHIMUS NIEDHARD


ASCANIENSIS.

---

HELMSTADII,

Typis JOHANNIS HEITMULLERI

Anno cl<sup>o</sup> l<sup>o</sup> c<sup>o</sup> LXVI.



THE  
LIBRARY

OF THE

UNIVERSITY OF

CHICAGO

THE

LIBRARY

OF THE

UNIVERSITY OF

CHICAGO

THE

LIBRARY

OF THE

UNIVERSITY OF

CHICAGO

THE

LIBRARY

OF THE

UNIVERSITY OF

CHICAGO



# CUM DEO!

## THESIS I.

**I**urisprudentiam nostram quam maxime practica[m] esse disciplinam, in eaque, ut in reliquis disciplinis practicis semper finem esse spectandum, nemo inficias ibit. Quo autem finem istum, qui est JUSTITIA, i. e. suum cuique tribuere *pr. Inst. de Inst. & Iur. l. 10. ff. Eod.* assequamur, quid suum cujusque sit, & quibus mediis quis suum consequi debeat, novisse prius oportet; Absolvitur enim studium hoc duobus: primo cognitione juris nostri, & deinde ejus obtinendi ratione, *Donell. libr. 2. Comment. Iuris Civil. cap. 2.* Cognitione, ut discamus, quid juris nobis in persona tum nostra tum aliena competat, & postea in rebus, quatenus illud consistit vel in acquirendo vel conservando vel minuendo, ut loquitur *JCtus in l. fin. ff. de Legib.* Obtinendi autem juris nostri ratio consistit in judiciis & recta ejusdem persecutione, quæ per actiones competentes, earumque cognitionem expeditur *pr. Inst. de act. ubi Donell. n. 1. & libr. 17. Comment. 1.* Ex his facile patet, merito culpandam esse illorum festinationem, qui insuper habitis omnibus juris fundamentis, statim in forum irruentes, omnem juris doctrinam uberio[re]m deponunt, & se non solum risui, sed etiam causæ dispendio

(quia ad omnia habent venalem calamum & linguam) exponunt, & nec jus, per quod commode & recte agere possunt, nec actionem clientis competentem norunt. Laudanda vero potius eorum maturitas, qui per legitimum tempus legum jurisque studio insudantes praxeos initia ita hauriunt, ut cum utilitate hoc laudabile, vitæque hominum per quam necessarium advocandi munus sustinere & tractare possint. *Vid. plura ap. Emeric. & Rosbach tit. de Advocat. l. ult. C. de postul. & l. nemini, ubi Bald. l. jubemus 20. C. de Advocat. divers. judic.*

## I I.

Media igitur illa, per quæ ad finem juris nostri pervenire rite possumus, sunt actiones: Quando itaque amica petitione aut amicabile compositione, quæ ante omnia tentanda, nihil obtineri potest, lex actionibus experiri jubet, *l. exstat. ij. ff. Quod met. caus. gest. l. i. C. de excus. rei judic.*

## I I I.

Jam antequam de requisitis circa competentis actionis investigationem ulterius dicam: nonnulla differentiarum loco de Advocato, Procuratore, Defensore, & negotiorum gestore observanda videntur; quæ si paucis & quas fieri poterit brevitate, absolvero, ad reliqua pergendum erit.

## I V.

Est hodie secundum nostros judiciorum mores magna inter Advocatum & Procuratorem differentia. Procurator est autore JCrot. *l. i. ff. de Procur.* qui aliena negotia mandatu domini administrat, quæ in definitione genus est omissum, quod JCri brevitaris causa facere solent. Subintelligendum autem est genus sc. gestor seu administrator, uti definitionem hanc explicat *VVesenb. in parat. ff. eodem tit. n. 2.* adeoque officio procuratoris fungi est in ipsa judicio

com-



comparere, & causam alterius oraliter agere, & ministerium aliquod corporale alicui præbere; huc accedit, quod in Digestis Procuratorum munus vile esse dicatur, & hinc est, communis conclusio, de jure Civili infamem procurare posse § *fin. Inst. de except. item Borcholt. ad hunc §. n. 2.* ubi etiam simul ratio additur; ne sc. dum de infamia procuratoris disputatur, ipsius negotii disceptatio proteletur. Nec obstat, quod infames ab omnibus honoribus & dignitatibus arceantur *l. 2. C. de dignis. lib. 12. l. 1. C. de infam. lib. 11.* Quia Procuratoris officium non est dignitas, sed onus. *VVesenh. ad ff. de Procurat. n. 4.* Et hoc ita obtinet jure Civili, secus vero de jure Canonico *c. 2. 3. q. 7. ubi gloss. verb. nec procur.* Præsertim ubi de causa vel persona ecclesiastica agitur, quod ipsum etiam notavit *VVeseneb. d. l.* Jam autem de generibus procuratorum; quid sit, & quomodo ab aliis administratoribus differat, hic ulterius dicere non vacat, de quibus omnibus videri potest *VVesenh. d. cit. de procurat. item Taf. ad Rubr. num. 3. & seqq. C. de Procur.* ubi sex differentias inter Advocatum & Procuratorem recenser.

## V.

Advocatum autem cum nominamus, eum intelligimus, qui aliorum causas in judicio proponit, quomodo etiam definitur *l. 1. §. de postul. l. quicquid C. de advoc. diversar. judic.* Advocatus est causarum patronus, qui in judicio pro aliis postulat. *Gail. pract. observat. lib. 2. observat. 154. n. 2. item in Decisionibus rerum judic. Cam. lib. 1. Decis. 1. n. 24. ibidem n. 30.* inquit, Advocati defendunt non suo jure, aut ut suum, sed quod alterius est, conservent, aut acquirant non suo, sed eorum commodo, quibus assistunt. Adeoque advocati munus est consilio juvare suos clientes, causamque eorum instruere, non autem comparere in ju-

dicio, & causam ibi oraliter agere, & sic ministerium aliquod corporale præbere; hinc advocati dicuntur constituti in dignitate, & quidem tali, quæ olim merebatur cingulum. Insuper advocacionis officium non solum est publicum & necessarium, ad quod quis etiam invitus compelli potest, nisi justam habeat excusationem *tot. tit. ff. de Munerib. & bon. l. prator. 13. §. 2. ff. de vac. & excus. sed etiam laudabile est & honorarium, l. laudabile 4. C. de Advoc. divers. judic. Hinc est, quod nemo qui infamis sit, possit aspirare ad dignitatem (uti loquuntur) advocaturæ, l. 1. §. removet, ff. de postul. Gest. lib. 1. obs. 43. num. 4. cum trib. seqq.*

## V I.

Verum licet hac differentia inter advocatum & procurat. ita sit, & LL. Rom. conveniat, consuetudine tamen in judicio Spirensi introductum est, ut Procuratorum munus sit majoris dignit. quam Advocatorum, adeo ut in Cam. Spirensi nemo ad munus procuratorium ordinarium admitti possit, nisi prius fuerit advocatus. In nonnullis judiciis, ut Guelpherbyitano, Celleni, qui sunt advocati, illi quoque sunt Procuratores ut plurimum, & contra, ut ita consuetudine paulatim distincta hæc duo officia inter se ratione personarum fuerint confusa: tamen si quoad effectum ipsum sint maneatque distincta.

## V I I.

De defensore & negotiorum gestore aliter. Aut enim aliena negotia suscipimus sponte nostra, non rogati, aut vero rogati ab aliis; tertium non datur: Si prius tum aut suscipimus negotia extrajudicialia, & tum oritur ille quasi contractus, qui vocatur negotiorum gestio, de qua videri potest *tit. ff. de Negot. Gest.* aut suscipimus aliorum negotia sponte nostra, sed judicialia, & tum oritur illud negotium

rium, quod vocatur *Defensio*. Adeoque defensor est ille, qui sine mandato alium in iudicio præstita cautione de iudicato solvendo, defendit. *Spec. tit. de Defens. n. 1.* Procurator litium seu causarum suscipit quidem etiam aliena negotia, & quidem judicialia, sed tamen cum hoc discrimine, quod procurator ab eo, cujus negotia gerenda suscipit, sit rogatus, defensor autem non sit rogatus, sed sponte sua ad illa negotia accedat. Differt & defensor à Procuratore litium in eo, quod hic tum pro auctore, tum pro reo in iudicio vel extra iudicium intervenire soleat, ut ostendit *rot. tit. ff. de procur.* Ille vero in iudicio rei tantum procurator aut defensor sit, non auctoris. *Rosbach. de Defensor. n. 2. Zas. in l. nam postea n. 9. §. iusjurandum.* Nisi forte is in reconventionem reus fiat, de quibus omnibus videri potest & *Rosbach. d. l. de defens. n. 2. 3. 4. &c. & VVesimb. ad ff. de Procurat. n. 12.*

### I I X.

Haftenus de differentiis hisce hæc sufficiant, & convertimus nos jam ad medium, quo finem juris nostri obtinere possumus, nempe ad actionem. Principii autem loco hic supponimus? Nos à Reo nostro tale aliquid petere, seu fieri velle, quod jure ille facere debet, injuste autem detrectat, ad quod faciendum vel solvendum iudex eum cogere debet. Ex his statim apparet, nobis adversus illum, qui iuste aliquid facere vel dare detrectat, non competere actionem, & sic per consequens oleum & operam in litigando perdimus, si contra talem instituimus actionem. Si vero injuste detrectat, aggredienda & assumenda sunt media illa, quibus juris nostri finem, qui est iustitia, obtinere possumus, nempe actiones, quæ pro diversitate causarum instituendæ sunt in iudicio, i. e. loco iudicii solenni, coram quocunque magistratu competente; Minime enim, id quod debe-



debetur, privata autoritate à debitore, quolibet modo extorquere licet, uti diligenter constitutionibus provifum est, & pœnæ adversus vim variæ constitutæ *l. exstat 13. in fin. ff. quod met. caus. l. si quis in tantum 7. C. unde vi. §. 1. Inst. de vi bonor. Rapt. & Dd. comm.* Sunt enim eum in finem præcipue constituta judicia, ne quis sibi ipsi jus dicat, *l. nullus 14. ibi: Idcirco judiciorum vigor jursque publici tutela videtur in medio constituta ne quisquam sibi ipsi permittere valeat ultionem C. de Inde. & Culicor.* Sed omne hoc publica autoritate eorum expediri volunt, ut occasio omnis tumultus ac dissensionis in Republ. evideretur *l. non est singulis 176. ff. de Reg. Jur.* & quod suum est, sive quod sibi debetur, per judicem reposcat *§. 1. Inst. de act. l. si quis in tantum 7. C. unde vi: item lib. 1. Pandrecht art. 63.*

#### I X.

Porro judicium est vel ordinarium vel summarium, seu extraordinarium. Illud est in quo ordinarie causæ tractantur, servato juris ordine, interveniente libello, litiscontestatione, aliisque juris solennitatibus in modo procedendi stricte observatis, *de quib. in l. 1. & auth. Offeratur C. de litiscontest.* Hoc (summarium sc.) est in quo causæ tractantur sine libello, aut juris solennitatibus, & dicitur inde summarium, quod summatim fiat & plura in pauca quasi per summam contrahamus, adeoque opponitur ordinario, quod plenissimam causæ tractationem requirit.

#### X.

Versatur igitur jus nostrum in judiciis, quatenus per hæc administratur Justitia: Et quæcunque in jure traduntur, ad judicia tanquam commune subiectum, & ad justiciam tanquam ultimum finem sunt referenda teste *Jul. Pacifico. lib. 1. de methodo juris §. præmunitiones.*

#### XI. Et



## X I

Et quo justitiæ cursus promoveatur, nec litigatores spe sua frustrentur, damnumve patiantur, commodissimum in super & necessarium erit, ut non confuse, sed certo ordine ea exerceantur, ita ut, quam se habere putat actionem Actor, contra Reum rite proponat; idque fieri debet libello, in quo totius propemodum processus momentum consistit, plurimumque refert, eum caute & prudenter esse formatum. Si enim non rite libellus est formatus, aut á judice rejicitur, aut toti causæ præjudicat; adeoque Advocati in libelli conceptione præ reliquis summam diligentiam & prudentiam adhibere necesse habent. Reus deinde ad actionem institutam commodè respondeat, ut constare ad inde possit, in quo lis consistat; & deinceps uterq; ulterius ad finem usq; judicii legitime procedat, & sententiâ actis & jure conformem expectet.

## X I I.

Quare actionum forensium cognitio non solum a-ctori & reo, verum etiam jus dicentibus sive judicibus valde, utilis & perquam necessaria est: Actori, ut causæ si-ve intentionis fundamentum bene perspectum atque cognitum habeat; Reo, ut exceptiones legitimas objiciat; Judici denique ipsi, ut rite sententiam former. Hinc in Camera Spir. in relationibus causarum & distandis sen-tentiis, teste Gallio, ante omnia Dnn. Assessores exami-nare solent, utrum actio cum necessariis suis requisitis probata, & legitimis rei exceptionibus elisa sit, sive non, de quibus vid. *Geil. l. obs. 26. & seq. tract. de Arrest. Imperii cap. 5.*

## X I I I.

Jam ad competentis actionis investigationem propi-us accedamus: Ubi advocatus in forum proditurus dili-genter investigabit actionem pro negotii sive facti quali-tate

tate clientulo suo competentem. Quod ut commo-  
dissime fiat, necesse est, ut ex cliente ante omnia totam facti  
speciem cum suis circumstantiis & qualitatibus diligenti-  
tissime cognoscatur, iudicique, præsertim cum omnibus cir-  
cumstantiis relevantibus accurate narret, ita ut nulla,  
quæ alicujus momenti sit circumstantia omittatur, sed  
caute & circumspice omnia, quæ tamen probari pos-  
sunt, adducantur, semper enim actor tenetur probare id,  
quod est intentionis seu fundamenti sui, *Gail. lib. 2. De iur. 49.*  
*n. 5.* nam ei qui dicit, non qui negat, incumbit probatio *l. 2.*  
*ff. de probat.* & actore non probante reus absolvitur. De  
qua regula pulchre *Mascard. Concl. 36. per tot.* quod ipsum  
tamen tum procedere putat *Gailius*, si iura ipsa actorem  
non relevent ab onere probandi *lib. 2. De iur. 37. n. 40. (2)* quia  
ex facto jus oritur, teste *ICto Alfeno in l. si ex plaga 52. §. 2. ff. ad*  
*l. Aquil. & Gothofr. in not. ad hunc §.* Ab Advocato requiritur,  
ut factio jus applicare sciat, h. e. inquirat, quid jus de  
facto hoc vel illo statuatur, quæve actio ex præsentis facti spe-  
cie competat. Et quia reus juxta principium nostrum su-  
pra *thesi 8.* positum a iudice cogendus est ad id, quod iniuste  
detrectat, necesse est, ut exponantur iudici etiam ju-  
ra, ex quibus demonstretur reum teneri sibi ad aliquid  
dandum, faciendum, restituendum, &c. quod tamen  
contra illa jura præscripta deneger. Et (3) videndum ad-  
vocato, quæ sit actionis intendenda natura & proprietas.

#### XIV.

Hæc si diligens advocatus ita ordine observaverit,  
rursus ipsi tria potissimum sunt spectanda: (1) Causa, ex  
qua agitur, (2) Lex sive jus, quod agitur, & (3) Res, quæ  
peritur. *Gail. lib. 2. De iur. 16. n. 12.* Ex hisce tribus omnis  
constat actio; ita ut horum uno deficiente, ipsa actio sit  
inutilis plane & infirmi fundamenti.

## XV.

Primò dixi actionis causam præcipue investigandam & sciendam esse; Siquidem scire est rem per causam cognoscere; & sic consequenter actiones is nescire dicitur, qui causam earum ignorat: Qui autem nescit actionem, is etiam non intelligit jus, quod persequi vult in iudicio, imò nihil agit in agendo, & qualiter rem lavat in oblinenda clientis sui causa; quia non tenet formam, multo minus actionis exitum, aut finem *teste Joh. Oldend. in argum. operis Classici §. primum.* Idem Oldend. syadet & necessarium esse ostendit actionum tractationem in loca quatuor causarum esse redigendam, videlicet efficientis, materialis, formalis, & finalis. De his, qui plura legere amat, consulat *cicac. Oldend. d. 1.* Tametsi illas crude omnibus applicari non posse, lubentes concedamus.

## XVI.

Olim nemini licitum fuit actionem in iudicio proponere, nisi prius certa actionis formula à Prætore impetrata, quod ipsum, licet hodie sit sublatum *l. 1. & 2. C. de formul. & impetr. act. sublat.* nec necesse sit, ut hodie actionis genus quo acturus est, in libello exprimere teneatur, tamen nemini in iudicio sine actione experiri licet *l. 6. §. final. vers. quenquam enim ff. de negot. gest. juncto pr. Instit. de act. l. 50. ff. de obl. & act.* Sed requiritur, ut actionem rei & proposito negotio competentem proponat, & speciem futuræ litis demonstrat, *l. 2. edita 3. ibi, speciem futura litis C. de edendo.*

## XVII.

Jam porro de *causa*, quæ scilicet vel habet obligationis speciem, vel non habet. Priori casu, nempe quando habet obligationis speciem, producit actionem in perso-

inam, quæ §. 15. *Inst. de act.* vocatur conditio, & est actio in personam, quâ actor intendit aliquid dare aut facere oportere adversarium, quem obligatum habet §. *omnium autem 1. vers. namque agit. §. sic itaque discretus 14. & 15.* appellamus autem *Inst. d. 1. l. 25. pr. & vers. in personam ff. de Obl. & Act.* oriturque vel ex contractu vero, vel quasi, vel delicto vel quasi, *Tot. Tit. Inst. de obligat.* Posteriori casu, quando sc. causa non habet obligationis speciem, datur actio in rem, quæ eodem §. 15. *Inst. de act.* realis appellatur, quæ pro diverso jure & rebus, diversas etiam sortitur appellationes, ut vindicatio, actio confessoria, Negatoria, Publiciana in Rem, Hæreditas petitiio, hypothecaria & sic deinceps: aut contra rem & personam simul, & oriuntur mixtæ illæ actiones, Commun. divid. Fin. Regund. Famil. Ercisc. In Rei autem vindicatione semper hæc duo extrema à practicis probanda ponuntur, (1) Possessio à parte Rei, & (2) dominium à parte actoris.

## X I I X.

Atque hæc breviter de causa actionis. Cum autem ea non sufficiat, nisi aliqua lege, quæ actionem concedat, adjuvetur, proximum erit jam, ut diligens advocatus dispiciat, inquiratque DE JURE, QUO AGATUR. Illud autem est lex civilis, seu jus Civile, quod est vel *Scriptum*, vel non *Scriptum*: teste *Iustin. §. Constat. autem §. iuncto §. sine scripto 10. Inst. de iur. N. G. & C.*

## X I X.

*Ius scriptum* cum rursus subdividatur in *jus Civile speculæ & Prætorium* seu honorarium §. *prætorium quoque 1. l. 1. ff. d. 1.* recte actiones dividuntur in *Civiles & Prætorias.*



## X X.

*Civiles*, quæ etiam legitimæ dicuntur *l. qui servanda-*  
*rum 14. §. fin. ibi legitimam actionem ff. de prescript. verb.*  
 Sunt, quæ ex legitimis & civilibus causis, i.e. ex LL. ut XII,  
 Tabb. de pauperie, arborum furtim cæsarum; Plebis scitis  
 ut L. Aquilia; SCtis, ut SCrum, Vellej. & Maced. (legiti-  
 ma enim conventio d. ita est, quæ etiam SCto juvatur *l.*  
*legitima 6. ibi SCto ff. de pactis*;) Constitutionibus, ut in *§. ri-*  
*ptis 24. Inst. de act. pr. Inst. de perpet. & tempor. action. ibi eas,*  
*quæ ex lege SCto, sive ex sacris constitutionibus proficiuntur.*  
*l. 7. Ius autem de instit. & jure.*

## X X I.

Prætoriam eæ sunt, quæ etiam honorariæ dicuntur  
*l. actionum 25. in fin. ff. de Obl. & act.* quas prætor ex sua juris-  
 dictione comparatas habet, adjuvandi corrigendi vel  
 supplendi juris civilis gratia, propter utilit. publicam, uti  
 Dd. explicant in *l. ius autem 7. §. 1. ff. de justit. & jure. in pr.*  
*& §. Inst. de bon. poss. §. 3. de exhered. lib. item Vinnius in not. ad*  
*§. 7. Inst. de jur. N. G. & Civil.* Sub his etiam Ædilitiæ  
 continentur, quippe quæ juris honorarii seu Prætorii  
 portio sunt, dicto *§. 7.*

## X X I I.

Non incommode hic quæri potest, utrum actiones  
 Statutis aut LL. Provincialibus Ducum Comitum aut al-  
 liorum imperii Statuum inductæ, vel his vel illis sint an-  
 numerandæ? Si enim alicui jure statutorio hereditas de-  
 fertur, quæ alias de jure communi deferri non consueve-  
 rit; magnopere certe scire refert, an civilis vel prætoriam  
 sit futura. Civilem enim si dixeris, perpetua erit: Si  
 Prætoriam, annalis erit.

## XXIII.

Merito autem & verisimilius est civilibus eas annumerare. Constat enim, quod jus illud, quod quisque populus sibi ipsi constituit, proprium istius civitatis sit & jus Civile vocetur, tanquam proprium jus istius civitatis *l. omnes populi 9. vers. Nam quod quisque ff. de iust. & jure §. jura autem civile 1. Inst. de jur. N. G. & C.* Nullum proinde dubium erit, quin & actiones ex iis descendentes sint civiles. Nam hodie Electores, Duces, Principes, Comites & reliqui status, qui jura territorialia habent, Imperatori æquiparantur, ita ut quemadmodum olim Majestas penes Imperatorem fuit in toto Imperio: Eadem penes statum quemlibet in suo territorio: Illi autem Majestati potestas Legum ferendarum est annexa, quam status Imperii in suis territoriis exercere posse nemini est dubium. Prætor autem olim non habebat majestatem, sed erat tantum Minister & Magistratus; quales status Imperii non sunt.

## XXIV.

Insuper & quæri potest, an ex Responsis prudentum actiones nasci solitæ fuerint? Dicuntur enim hi juris auctores, *l. antiqui 3. ibi, non leves auctores ff. si pars hered. pet. l. 39. ff. de action. empt. l. 17. ff. de jure patron.* Conditores, *in l. nulla C. de procurat. l. furiosi C. de nupt. & jura constituentes, l. verbis 120. ff. de verbor. signif. de quibus tractat Cuiacius lib. 7. Obser. c. 25.* Verum quicquid sit, horum auctoritas tanta non fuit, ut ipsi actionem ex aliqua causa constituerent; Sed an tara esset, interpretarentur *l. necessarium 2. §. 4. ff. de Orig. juris & ex actionibus constitutis agendi formulam proponerent d. l. 2. §. 12. ff. de Orig. jur.*

## XXV.

Ex jure denique *non scripto* competit conditio ex mori-

moribus: qualis hodie est actio feudalís, vid. celeberrim-  
Jct. Herm. Pult. 2. Feud. 1. Et hoc jus, quod moribus com-  
probatum est, longe plus valet & in rebus majoris mo-  
menti versatur, quam quod scripto constat, ut ex Ari-  
stot. 3. Polit. c. ult. notat Vinnius in not. ad Inst. de jur. Nat.  
6. & C. §. 9.

## XXVI.

Hiscé duobus breviter ita consideratis atque cogni-  
tis, nempe actionum causis, jureque, ex quo illæ descen-  
dant; proximum jam erit, ut etiam probe consideremus  
REM, quæ petitur, & cujus gratia agitur. Id vero quod  
petitur, vel consistit in dando, vel in faciendo, l. 2. ff. de V. O.

## XXVII.

Idque cognoscendum ex facti specie, quæ si datio-  
nem contineat, agitur *affirmative partim*, ut quod no-  
strum non est, nobis detur, *vel partim*, ut quod nostrum  
est, nobis restituiatur.

## XXIX.

Quorum posterius fit rei vindicationibus, prius vero  
condictionibus. Condicere vero rem suam nemo potest,  
nisi a ture, raptore, & mala fidei possessore §. *sic itaque di-*  
*scitur ut. Instit. de Act. Vinnius in not. ad hunc §.* Idque in  
odium horum contra regulas juris constitutum est.

## XXIX.

Vindicare etiam nemo recte dicitur, qui vindica-  
trem, quæ sua non est, l. si ager so. de rei vindic.

## XXX.

Negative ad dandum vix igitur; sed tantum excipi-  
tur: & agere ne detur, exceptionis est, non actionis. Fa-  
ctum si contineat, tum agitur ad faciendum duobus modis,

ve

vel ut id, quod factum est, retractetur, vel ut id, quod factum non est, fiat: *de quolatus Vigel. in suo repertor. juris cap. 39. & seqq.* videri potest.

### XXXI.

Advocatus denique diligens cognita actionis competentis vim & naturam accurate considerabit & observabit (1) quo autore introducta sit actio, (2) Ex qua causa detur, (3) Cui ea detur (4) Adversus quem detur (5) An descendat ad heredes, (6) quid in eam veniat (7) quamdiu competat (8) quis sit ejus exitus (9) quid spectandum iudici, & (10) Quid litigatoribus: Denique an subsint remedia affinia &c. Quem ordinem etiam maxime secutus est *Vvesenb. in paratit ad ff. ubi passim* videri potest, cui adjungendum est elegans opus classicum Olend. in quo semper etiam hic ordo est observatus.

### XXXII.

Haut incommodum aut inane etiam erit, ut Advocatus in investigandis actionibus, antequam ad libelli conceptionem progrediatur, diligenter attendat, inquiratque, an etiam plures actiones concurrant, quibus in libello uti possit; videmus enim duas pluresque actiones circa eandem rem legibus interdum & quidem non raro esse constitutas, ut maxime apparet ex *inscript. l. 34. & 4 ff. de obl. & act.* Quæ omnes competunt, nisi expresse cautum sit, ut una tantum quis experiri liceat, *ut ait Paulus l. quotiens 14 in pr. & §. 1. de Obl. & Act. l. 43. §. 1. ff. de Reg. Jur.*

### XXXIII.

Hic actionum concursus est vel cumulativus, vel electivus: Electivum dico plurium actionum competentiam, quarum una alteram consumit. Cumulativum vero actionum plurium competentiam, quarum una alteram non consumit.

### XXXIV.



## XXXIV.

Si itaque plures actiones à legibus simul intentandæ & exercendæ conceduntur, quod in jure nostro non infrequens esse videmus *l. 34. ff. de Obl. & act. l. quod in bere de 9. §. 1. ff. de tribut. action.* Advocatuseas, si contra eandem personam agitur, simul in eodem libello unico verborum contextu, & sic in una charta proponere potest. ut est in *l. non est novum 10. ff. de act. emt. item Geil. lib. 2. Decis. 8. n. 1.* Et hæc actionum plurium competentia, ut jam dictum, dicitur *Cumulatio* quarum una alteram non consumit, Alias ne judex confundatur, plures actiones, præsertim diversas res aut personas concernentes, in uno libello non sunt ponendæ. In foris Saxonis, ubi ex jure Saxonico agitur, ultra tres cumulare non licet.

## XXXV.

Si adest actionum concursus electivus, ubi duæ aut plures actiones simul proponi non possunt, sed una intentata, altera tollitur, (non enim ea mente jura alicui plures actiones concedunt, ut semper omnibus uti liceat, sed ut largior ei sit agendi facultas, & ex his actor eligat eam, quam sibi commodiorem putet, *l. cum filius 76. §. 8. ff. de legatis 2.*) tunc cautio in eligenda ea est adhibenda, & circumspiciendum cauto avvocato, quænam rei gerendæ sit aptior aut commodior, & per quam eo facilius suum consequi possit, uti est exemplum in *§. ceterum 5. Inst. Quod cum eo qui in alien. pot.* ubi agens de in rem verso probare tenetur, in rem patris vel domini versum esse; agens vero de peculio, saltem hoc, servum aut filium familias peculium habere, & quidem tantum, ut inde solidum consequi possit.

## C

## XXXVI.

## XXXVI.

Regulariter etiam quando incertum est, & Advocatus probabiliter dubitat, quæ actio potius comperat, duas proponere potest, protestando, se ex altera confisui velle: quod expressis verbis notatum ab Ulpiano l. 1. §. quia autem 4. ff. Quod Legat. Huic adjungatur Geil. lib. 1. Obs. pract. C. 63. n. 3. Probat hoc Ulpianus d. l. 1. ibi, nos solere sic facere, quoribus incertum est, quæ potius actio teneat. Nam duas dicimus protestari ex altera nos consequi velle, quod nos contingit: Puta si quis nesciat, quo titulo Reus possideat.

## XXXVII.

Hactenus ita breviter de requisitis, circa actionis competentis investigationem, Advocato accurate per-noscendis & observandis: Jam vero, si Advocatus cum clientulo suo de actione proponenda satis deliberavit, actionem autem jure non fundatam, nec justam litigandi causam subesse deprehendit, eam contra suam conscientiam, & jurementum justitiæ præstitum, ut prohi-dolor! sæpe fieri solet, defendendam minime suscipiat. Hujus rei rationem affert Rosbach tit. de Advocat. n. 18. nescit. temerè litigando judicium fatiget, clientemque inanibus sumptibus vexet, addo: jurementum violat & contra conscientiam agat. Advocati enim munus est litigantium saluti providere l. laudabile 4. C. de adv. d. i. perfor. judic. Privatorumque causas tueri, l. advocatus 14. cod. tit. l. rem novam 12. l. penult. C. de judic. quæ tamen jure & æquitate nitantur, non quæ malæ sunt & ini-quæ, d. l. rem novam 12. §. proinde patroni. Easque non in longius per ambages & multa pererga, magno litigan-tium

tium dispendio circumducere. *Specul. tit. de adv. c. §. 1. n. 15.* aut ultra, quam poscit litium utilitas, in licentiam conviciandi, & maledicenditemeritatem prorumpere, uti expresse prohibitum *l. quisquis 6. C. de postul. item l. si quis 5. ibid. l. 1. C. de Advoc. divers. judic. l. 15. C. de procurat.* Hæc qui non observat, aut in officio peccat poena arbitraria afficitur, aut si gravius delinquit, ordine removeatur *d. l. si quis 5. & l. quisquis 6. C. de postul. l. si patro- num 1. C. de advoc. divers. judic.*

### XXXIX.

Denique non incommode hic etiam illam quæstionem ventilandam & excutiendam esse existimo ; An nempe Advocatus vel etiam procurator litem redimere & cum clientulo suo de quota litis pacisci possit ? Dicitur autem litem redimere, de quota litis pacisci, uti *Dd. in d. l. litem 15. C. de procur.* quod utrumque in jure expresse prohibitum invenimus. Ita enim est textus in *l. quisquis 6. §. præterea nullum.* Ubi dicitur : *Præterea nullum cum litigatione contractum quem in propriam receperit fidem ixeat Advocatus, nullam conferat pactionem.* Et in *l. si quis 5. ibid. C. de postul.* ubi habetur : *Si qui advocatorum existimationi &c.* Ratio est, quia tale pactum Advocatum & procuratorem ad vincendum per calumniam quoquo modo invitat, & ad quasvis machinationes illicitas adigit. Et hoc procedit non solum in pacto de quota litis, sed etiam de quantitate vel re. *Secundum gl. in d. l. sumptus 53. ff. de pactis.* Et præsertim si pactum in casum victoriæ fit.

### XXXIX.

Quando vero Advocatus cum clientulo suo lite finita

nita & determinata de quota litis pactum init, tale pactum valer, juxta *l. 1. §. Si cui caut. 12. ff. de var. & extraord. Cig.* Ubi notandum, Advocatum ultra centum aureos de salario pacisci non posse *d. l. 1. §. Si cui ibid. in ff. de var. & extraord. jud.*

#### XL.

Valeret etiam pactum de certa quantitate, salarii nomine, in omnem eventum solvenda, non vero tantum in casum victoriæ i. e. Sive advocatus causam obvineat, sive in ea succumbat *d. l. sumptus 53. ff. de pact. ubi Dd. & Salic. in l. si quis s. C. de postul. Specul. tit. de Salario §. sequitur.*

#### XLI.

Patet etiam, quod advocato ultra conventum honorarium debeantur expensæ victus & aliæ, quando provinciâ exit, *per text. in l. idemque 10. §. idem Taber 2. ff. Mandati vel contr.* quod procedit, ut debeantur etiam, antequam pedem moveat de domo *arg. l. pen. C. de testib. Surdus tractatus de aliment. tit. 4. quest. 17. n. 25.* Si vero salariarius est, tunc convenit, ut sumptus de suo faciat ad itinera, ut aperte videre est ex *d. §. 9. l. 10. ff. mandati.* Multo minus ei debentur expensæ, quæ circa mandatum ad voluptatem faciunt *ead. l. 10. ff. mandati.* nisi forsan dominus istorum sumptuum rationem admittat, *ibid.* Aut inter eos aliter convenierit.

#### XLII.

Tandem & hoc paucis attingemus, ne advocatus plures lites, sui commodi emolumentique causa suscipiat, quam commode peragere possit, *Soet. tit. de advoc. §. ult. n. 14. & 15. Rosbach. tit. de Advoc. multo minus præva-*



prævaricationis criminis se fontem reddat, & tam actori, quam reo in una eademque causa inserviat, & sic diversam partem prodita causa sua adjuvet, juxta *l. 1. ff. de prævaricatione*. Infamia enim is notatur, qui in judicio publico prævaricationis, vel calumniæ causa quid fecisse iudicatus erit, *l. si is 4. ff. de prævaricatione l. 1. C. de Advocat. divers. judic. l. 16. C. ex quibus caus. infam. Irreg. l. 2. C. de his qui accus. non possunt. Item lib. 1. Landrecht artic. 60. ubi glossa in fin.* Nec per calumniam liget, & dicitur is in causâ civili *Calumniator*, qui temere alicui movet actionem, cum sciret nulla ratione esse obligatum. *Prævaricator* vero ille est *l. 1. ff. hoc tit.* qui diversam litigantium partem adjuvar, der beyden Partheien in einer Sache zugleich bedient ist & hujus pœna de jure Civili est infamia *l. 4. §. 4. C. de his qui not. infamia*. Et ex Constit. Carol. artic. CXV. tenetur restituere & resarcire damnum, & relegatione punitur.

#### XLIII.

Nemo etiâ sine venia contra dominum suum, cuius est Vasallus, aut contra patriam, quam advocando impugnare, aut contra eam defensionem assumere prohibet *l. 2. C. de Advocat. divers. judic.* aut contra Rempublicam a qua quis ex publico salarium habet, causas agendis suscipiat, *d. l. 2.* quod & merito indignum esse existimat Gothofredus in not. ad *b. l.* ut, qui salarium aut beneficium à magistratu vel Republica accipiat, contra eandem causam non agitet & patrocinio fungatur, ut est in *l. 1. C. de advocat. fisci*.

#### XLIV.

Hæc pro ingenii tenuitate, institutique ratione sufficiant

ciant, quæ omnia candido Lectoris iudicio & censura  
modestè submittimus, nec ex argumendi defectu, quod  
per totum nostrum jas se diffundit, laudimeque se ex-  
tendit subsistimus, sed cum nobis id magis acutius eran-  
tum, quam exposuisse placeat, longe plura tum apud a-  
lios, tum etiam hinc inde allegatos auctores  
fufius & floridius legere & perspi-  
cere licet.

## T A N T U M.

